



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-070-3/23**

Datum: **07.03.2023. godine**

«Agencija za vodno područje rijeke Save» Sarajevo rješavajući po zahtjevu pravnog lica „EKO-FORMA“ d.o.o. Bugojno, Poslovna jedinica broj 2 Sarajevo, za izdavanje vodne dozvole za ispuštanje tehnoloških otpadnih voda sa lokacije reciklažnog dvorišta namjene – prikupljanje, privremeno skladištenje, fizički tretman, manipulacija i transport neopasnog otpada, na osnovu člana 139. stav 1. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 48/99 i 61/22),
donosi

R J E Š E N J E

1. Odbija se zahtjev pravnog lica „EKO-FORMA“ d.o.o. Bugojno, Poslovna jedinica broj 2 Sarajevo, za izdavanje vodne dozvole za ispuštanje tehnoloških otpadnih voda sa lokacije reciklažnog dvorišta namjene – prikupljanje, privremeno skladištenje, fizički tretman, manipulacija i transport neopasnog otpada, upisane u z.k. uložak broj 394 KO SP_DONJI BUTMIR, na k.č. 2105/18, a što po novom premjeru odgovara PL/KKU 492, k.č. 3866/12, K.O. NOVO_SARAJEVO_IV i z.k. uložak broj 394 K.O. SP_DONJI BUTMIR, na k.č. 2105/7, a što po novom premjeru odgovara PL/KKU 492 k.č. 3866/1 K.O. NOVO SARAJEVO IV, s obzirom da za predmetnu aktivnost nije propisana obaveza pribavljanja vodnih akata od strane ove Agencije.
2. Ovo Rješenje ne oslobađa podnosioca zahtjeva obaveze pribavljanja saglasnosti i dozvola od drugih nadležnih organa, a sve u skladu sa važećim zakonskim propisima, odlukama, uredbama i dr.
3. Ukoliko tokom korištenja objekta dođe do promjene tehnološkog postupka pri kojem će dolaziti do produkcije i ispuštanja tehnoloških otpadnih voda u prirodni recipijent, korisnik objekta dužan je da pribavi vodne akte od nadležnog organa.
4. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu, korisnik zaštitnih vodnih objekata nije odgovoran za nastale štete.

O b r a z l o ž e n j e

Pravno lice „EKO-FORMA“ d.o.o. Bugojno, Poslovna jedinica broj 2 Sarajevo, obratilo se sa zahtjevom broj: 11Z/2023 od 22.02.2023. godine za izdavanje rješenja o vodnoj dozvoli za aktivnost ispuštanja tehnoloških otpadnih voda sa lokacije reciklažnog dvorišta namjene – prikupljanje, privremeno skladištenje, fizički tretman, manipulacija i transport neopasnog otpada, upisane u z.k. uložak broj 394, KO SP_DONJI BUTMIR, na k.č. 2105/18, a što po novom premjeru odgovara PL/KKU 492, k.č. 3866/12, K.O. NOVO_SARAJEVO_IV i z.k. uložak broj 394 K.O. SP_DONJI BUTMIR, na k.č. 2105/7, a što po novom premjeru odgovara PL/KKU 492 k.č. 3866/1 K.O. NOVO SARAJEVO IV.

- U provedenom postupku dostavljena je i pregledana sljedeća dokumentacija:
- Rješenje o izmjenama podataka, broj: 051-0-Reg-14-000128 od 06.03.2014. godine izdato od strane Općinskog suda u Travniku – ovjerena kopija,
 - Uvjerenje o poreznoj registraciji od 26.03.2014. godine izdato od strane Kantonalnog poreznog ureda u Novom Travniku – kopija,
 - Rješenje o izdavanju dozvole za upravljanje otpadom, broj: 05-23-3645/15 III MG od 14.01.2016. godine izdato od strane Ministarstva prostornog uređenja, građenja i zaštite okoliša Kantona Sarajevo – kopija,
 - Ugovor o zakupu poslovnog prostora, broj: 1905-22 od 13.06.2022. godine potpisan sa „BBI Real Estate“ d.o.o. Sarajevo – kopija,

- Ugovor broj: 8/22 od 01.10.2022. godine potpisan sa „Eko Skif“ d.o.o. Sarajevo – kopija,
- Uvjerenje, broj: 03-20-118/04 od 20.04.2004. godine izdato od strane Općinske službe za privredu, obrazovanje, kulturu, sport i informisanje Općine Novi Grad Sarajevo – kopija,
- Račun broj: 23-3130-001007 od 27.02.2023. godine izdat od strane „Atal Group“ d.o.o. Sarajevo – kopija,
- Ugovor o korištenju aparata za vodu, broj: 18273 od 24.02.2023. godine sklopljen sa „Atal Group“ d.o.o. Sarajevo – kopija,
- Faktura broj: BU-000093-23 od 31.01.2023. godine izdata od strane „Proming“ d.o.o. Bugojno – kopija,
- Račun broj: 22/23 od 19.01.2023. godine izdat od strane „Auto Laura“ d.o.o. Bugojno – kopija,
- Račun broj: 9004940019 od 31.01.2023. godine izdat od strane „G-Petrol“ d.o.o. Sarajevo – kopija,
- Račun - otpremnica broj: 22/907 od 26.12.2022. godine izdat od strane „Parts City“ d.o.o. Sarajevo – kopija,
- Račun - otpremnica broj: 23/15 od 17.01.2023. godine izdat od strane „Parts City“ d.o.o. Sarajevo – kopija,
- Ugovor od 11.08.2021. godine sklopljen sa „Smurfit Kappa“ d.o.o. Beograd,
- Ugovor broj: 23BOSO403-01EKF sklopljen sa Modern karton Sanayi ve Ticaret A.S.Istambul, Turkiye – kopija,
- Ugovor od 01.01.2020. godine potpisan sa „Vetropack Straza“ d.d. Croatia – kopija,
- Narudžba br. 5023-00020 od 23.02.2023. godine izdata od strane „Weltplast“ d.o.o. Posušje – kopija,
- Dokaz o uplaćenju federalnoj upravnoj pristojbi na zahtjev.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20, 63/22), izvršen je uvidaj kod pravnog lica i tom prilikom sačinjen Zapisnik broj: UP-1/21-3-40-070-2/23 od 06.03.2023. godine.

U ispitnom postupku, a na osnovu dokumentacije dostavljene uz zahtjev utvrđeno je slijedeće:

- „EKO-FORMA“ d.o.o. Bugojno, Poslovna jedinica broj 2 Sarajevo, tj. poslovno-proizvodni kompleks objekata nalazi se na adresi Džemala Bijedića 162, Općina Novi Grad Sarajevo, na prostoru pod ugovorom br 01.P-ZS-393/22 o zakupu sa „BBI Real Estate“ d.o.o. Sarajevo.
- Pravno lice vrši poslove prikupljanja, preuzimanja, vaganja, brojanja, evidentiranja, vođenja baze podataka, sortiranja, baliranja, skladištenja, prešanja ambalažnog otpada, te zbrinjavanje i upotrebu utvrđenu Pravilnikom o ambalaži i ambalažnom otpadu nakon čega slijedi transport kupcima reciklanata u zemlji i inostranstvu (R Srbija, R Hrvatska, R Turska).
- Investitor na predmetnom lokalitetu vrši prikupljanje neopasnog otpada: ambalaža od papira i kartona, šifra **15 01 01** (isključivo papirna i kartonska ambalaža), ambalaža od plastike, šifra **15 01 02** (isključivo ambalaža koja je napravljena na bazi PET, HD-PE, PVC ili LD-PE, PP, PR a to su uglavnom flaše ili slična pakovanja kao i razne folije i si.), ambalaža od drveta, šifra **15 01 03** (uglavnom uništene ili oštećene transportne palete, gajbe ili kutije od drveta), ambalaža od metala, šifra **15 01 04** (isključivo se radi o ambalaži napravljenoj od Fe ili Al a to su uglavnom limenke ili razne doze), miješana ambalaža, šifra **15 01 06** (uglavnom ambalaža koja svojom karakteristikom ne može da se uvrsti ni u jednu do sad navedenih šifri nego odvojanje posebno npr. (stiropol, razne trakice i posudice), staklena ambalaža, šifra **15 01 07** (radi se o staklenoj ambalaži - flaše i galoni).
- Na predmetnom lokalitetu se ne vrši skladištenje i pretakanje nafte i naftnih derivata niti se vrši popravka i servisiranje mehanizacije.
- Obezbjedenje vode za piće se rješava po ugovoru za isporuku vode (Bijela voda, račun broj: 23-3130-001007 od 27.02.2023. godine).
- Zbrinjavanje sanitarno fekalnih voda vrši se putem iznajmljenog eco wc-a.

- Predmetni lokalitet tj. izgrađeni objekti su bili priključeni na gradsku vodovodnu i kanalizacionu mrežu. Obzirom da je u toku sudski spor između „Feroelektro“ d.o.o. Sarajevo i KJKP „Vodovod i kanalizacija“ d.o.o. Sarajevo izvršeno je blindiranje gradske vodovodne i kanalizacione mreže, do okončanja postupka.
- Pravno lice ne vrši prikupljanje, otkup, skladištenje opasnog otpada (lijekovi, ulja, masti, različite hemikalije i sl.).
- U tehnološkom postupku ne koristi se voda niti na predmetnom lokalitetu nastaju tehnološke otpadne vode.
- Procedura ponovnog ishodovanja Rješenja o izdavanju dozvole za upravljanje otpadom je u toku kod nadležnog Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo.

Kako u predmetnom objektu ne nastaju tehnološke otpadne vode kao rezultat tehnološkog postupka, kao ni oborinske onečišćene vode kako je to utvrđeno odredbama člana 3. stav 1. tačka (s) a u vezi sa tačkom (cc) Uredbe o uslovima ispuštanja otpadnih voda u okoliš i sisteme javne kanalizacije („Službene novine FBiH“, br. 26/20, 96/20), odnosno nema ispuštanja tehnoloških otpadnih voda u smislu odredbi člana 139. stav 1. tačka (3), a u vezi sa članom 110. Zakona o vodama („Službene novine Federacije BiH“, broj 70/06), u skladu s članom 200. Zakona o upravnom postupku („Službene novine Federacije BiH“, broj 2/98, 48/99 i 61/22) riješeno je kao u dispozitivu rješenja.


Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka. Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

mr Selma Merdan, dipl.inž.geol.

Po ovlaštenju
Rukovodilac sektora za izdavanje vodnih akata


Haris Ališehović, dipl.inž.građ.

Dostaviti:

- EKO FORMA Bugojno, Poslovna jedinica broj 2 Sarajevo, Džemala Bijedića 162, Sarajevo Novi Grad,
- AVP Sava, ISV-vodna knjiga,
- Sektor 40 – arhiva,
- Oglasna ploča – AVP Sava

PREUZETO

07.03.2022

